## قال المسهوك للمتحرش بها



الاثنين 16 يونيو 2014 12:06 م

قـال المسـهوك وهو يزور المحروشـة - في صوت نـاعم كـالحرير، حاملا بوكيه الورد الأحمر، وواضعا كفيه على صـدره مثل الهنود إعلانا عن تأدبه الشديد:

أنا آسف سامحيني، انت مش عارفة إنك نور عيني؟.

قالت: اتحشم يا راجل انت بتتحرش كده بالكلام، وبعدين أنا سمعتك بتقول الكلام ده كتير لغيري، قول كلام تاني□

طیب ها قولك أنا باشكرك جدا .. جدا□

ليه إن شاء الله؟

فى الحقيقة أنـا كنت قاعـد مش لاـقى حاجـة أعملهـا تعمـل لى منظر بعـد الرياسـة، لقيت الشغلانة بتاعتـك تعمـل منظر ممتـاز وبوكيه ورد أحمر، وكلمتين غناوي□ هو دا الشغل اللى أنا بعمله ميه ميه□

ليه مافيش شغل تاني عندك؟

زی إیه یعنی؟

يعنى تشوف حل لمشكلة البطالة، بيقولوا هي السبب في التحرش، والحل بتاع عربيات البطاطا ده مش هاينفع□

(تغير وجه المسهوك بين الأسود والأحمر وقال غاضبا):

دى عربيات خضار يا بنى آدمة، مش عربيات بطاطا، أنا لا أقبل إن خريج الجامعة يسرح بعربيات بطاطا، لكن عربيات خضار ممكن، وبعدين خللينا نرجع للتحرش، إحنا ما صدقنا نلاقى حاجة تلهى الناس شوية□

نرجع يا فندم للتحرش□

الشباب بيقولوا احنا بنتحرش بس باللي بيرقصوا، انتى ليه كنتى بترقصي في التحرير؟

انتو اللي قولتو لنا يا فندم ساعة الانتخابات نرقص علشان نعمل منظر وزحمة قدام اللجان□

يعنى أنــا قلـت الرقص بس قــدام اللجـان - ليـه بـترقصوا تـانى فى التحرير، جننتـوا الشـباب، وبوظتـوا الليلــة بتـاع التنصـيب يـا بهـايم، وكـان الضيوف عندنا، كل زعماء العالم كانوا عندنا□

يا ريس ماكانش فيه غير أمير واحد ورئيس واحد□

وانتي مال أهلك - (ابقى اقطع يابني دي ف المونتاج).

وبعدين أنا راجل مخابرات أقدر أستفيد كويس م الحدث، وأَلِفٌ وأدور، أنا مابغلبش□

يعنى أنا ها لبسها للإخوان - جاهز يابنى بالكاميرا□ ياللا:

الإخوان هما السبب في التحرش، ودا كلام قالته بوضوح الست إبليس□ إي□ قصدي لاميس□

بس أنا عمري ما شفت تحرش في أي مظاهرة للإخوان□

ابق امسح الكلام ده يا بني، دي بنت حمارة مش فاهمة حاجة، انتي ما تقوليش حاجة إلا اللي نقول لك عليها

حاضر .. عايز حاجة تاني ياريس؟.

استنى اللقطة الأخيرة .

اعتدل المسهوك مرة ثانية، وابتسم قائلًا – بعد ضبط المشهد والكاميرا:

عموما يـا سـتى لـو كنـتى مـوتًى كنت هـابعت لـك الديـة تحت عقب البـاب فورا، وأوعـدك□ أوعـدك إنى لــزم آخـد حقـك م اللى اغتصـبوكى، القضاة كلهم يتمنوا إشارة منى□

باااااااای

(وهنــا خرج المســهوك وهــو يقــول لنوال: يــا نوال ابقى ادى للبنـت دى **500** جنيـه، دى ممثلــة كومبــارس فى اســتوديو مصــر، بس لها مستقبل□

وابعت يا نوال لكل الإعلام يعملوا هيصة جامـدة ع الموضوع ده، عايزين الناس تنسـي الكهربا، والأسـعار، والسـياسة، ومقاطعة الانتخابات،

ويتكلموا عن البطل اللي زار□□المحروشة).